

錢相公篋中方治百節蚰蜒并蟻入耳

以苦醋注之起行即出

聖惠方治飛蛾入耳

醬汁灌入耳即出又擊銅器於耳傍

經驗方治水入耳

以薄荷汁點立効

治卒食噎不下方第四十九

葛氏方取少蜜含之即立下

又方取老牛涎沫如棗核大置水中飲之終身不復思噎也

附方

道藏輯要

肘後備急方

聖

盧集十一

外臺祕要治噎

羚羊角屑一物多少自在末之飲服方寸七亦可以角摩噎

上頁

食醫心鏡治卒食噎

以陳皮一兩湯浸去穢焙為末以水一大盞煎取半盞熱服

聖惠方治膈氣咽喉噎塞飲食不下

用碓嘴上細糠蜜丸彈子大非時含一丸嚥津

廣五行記云永徽中絳州僧病噎不下食告弟子吾死之後便

可開吾胷喉視有何物言終而卒弟子依言而開視胸中得

一物形似魚而有兩頭遍體是肉鱗弟子置器中跳躍不止

戲以諸味皆隨化盡時夏中藍多作澱有一僧以澱置器中此蟲遂遶器中走須臾化爲水

治卒諸雜物鯁不下方第五十

食諸魚骨鯁

以魚骨於頭上立即愈下云聲效即出

又方小嚼薤白令柔以繩繫中持繩端吞薤到鯁處引之鯁當隨出

療骨鯁

仍取所餘者骨左右手反覆擲背後立出

雜物鯁方

道藏輯要

肘後備急方

哭

虛集十一

解衣帶目窺下部立下即止

又方好蜜以七抄稍稍咽之令下

魚骨鯁在喉中眾法不能去者方

取俗糖丸如雞子黃者吞之不出又吞以漸大作丸用得効

附方

斗門方治骨鯁

用鹿角爲末含津嚥下妙

外臺祕要療鯁

取虎骨爲末水服方寸七

又方螻蛄腦一物吞亦治刺不出傳之刺即出